




Farhod ASHMATOV

**NEGA DEPUTATLAR
IKKITA QONUN
LOYIHASIGA QARSHI
OVOZ BERDILAR?**

3-sahifa



**ENDI BOLA
BOQQANI UCHUN
ERKAKLARGA HAM
TA'TIL BERILADI**

2s



**TURKISTONDAN
QUVILIB, QANDAHORDA
FAQIRLIKDA VAFOT ETGAN
FIDOYI KIM EDI?**

7-sahifa

milliy tiklanish



«MILLIY TIKLANISH»
DEMOKRATIK
PARTIYASINING IJTIMOYIY-
SIYOSIY GAZETASI

№ 6 (1238) 2024-yil 21-fevral, chorshanba Adat: 5 036

QADRIYATLARGA TAYANGAN TARAQQIYOT

JAMIYATIMIZDA IJTIMOIY ADOLAT VA INSON QADRINI TA'MINLAYMIZ

DESAK, BU YANGI TIZIMNI JOYLARDA SAMARALI ISHLATIB, MUHTOJ INSONLARGA MADAD VA UMID BAG'ISHLASHIMIZ KERAK



Prezident Shavkat Mirziyoyev raisligida 20-fevral kuni ijtimoiy himoya sohasidagi ustuvor vazifalar muhokamasi yuzasidan videoselektor yig'ilishi o'tkazildi.

Mamlakatimiz Konstitutsiyasining 1-moddasida O'zbekiston ijtimoiy davlat ekani belgilangan. Shunga muvofiq, 2023-yil 1-iyunda aholiga sifatli ijtimoiy xizmat va yordam ko'rsatish bo'yicha farmon qabul qilinib, O'zbekiston Respublikasi Prezidenti huzurida Ijtimoiy himoya milliy agentligi tashkil etildi. O'tgan vaqt mobaynida o'ndan ortiq davlatning tajribasi chuqur o'rganildi, malakali ekspertlar jalb qilindi. Shu asosda olib borilgan tahlillarga ko'ra, bu soha 30 yil oldingi tizimda qolib ketgan, faqat davlat ajratgan pulni tarqatish bilan shug'ullangan. Bu ayrim odamlarni o'zini o'nglab olishga emas, yordam kutib yashashga o'rgatib qo'ygan. Misol uchun, mehnatga layoqatli kishilarga ham nafaqa to'lab kelingan. Nogironligi borlarni tibbiy

va ijtimoiy reabilitatsiya qilish, kasbga o'rgatish orqali hayotga qaytarishga yetarlicha e'tibor berilmagan. Davlatimiz rahbari bu tizimni tubdan isloh qilish, ijtimoiy yordamning manzilliligi va natijadorligini ta'minlash zarurligini ta'kidladi. – Bu sohada umumiy ishlab bo'lmaydi. Har bir oila va inson taqdiriga alohida, professional yondashish lozim. Ijtimoiy xizmat to'g'ri yo'lga qo'yilsa, ehtiyojmand fuqarolar jamiyatda o'z o'rnini topadi, – dedi Shavkat Mirziyoyev. Yig'ilishda shu boradagi ustuvor vazifalar belgilandi. Avvalo, ijtimoiy xizmat va yordamni mahalla darajasida tashkil etish masalalari ko'rib chiqildi.

Davomi 2-sahifada

«MILLIY TIKLANISH»



ANONSLAR



«Ayollarga kafolatlangan tug'ruq ta'tilini bola uch yoshga to'lgunicha berish, bu davrda nafaqa pulini tayinlash taklifini ilgari suryapmiz. Ona muhim davrda pul topish uchun ishga chiqib ketmasligi lozim»

Alisher QODIROV

OLIJ MAJLIS QONUNCHILIK
PALATASI DEPUTATLARI

DIQQATIGA!



CHO'CHIMANG.

G'ARB QABUL
QILIBDIKU,
JANOB DEPUTATLAR!

4s



«BARBI» HAMDA
«MASHA VA MAYMOQ»

O'LANKASI

«TARBIYADA
TANAFFUS
BO'LMAYDI!...»

5s

YUNISEF VA
STATISTIKA
AGENTLIGI
SO'ROVIGA KO'RA,
O'ZBEKISTONDA

14

YOSHGACHA
BO'LGAN
BOLALARNING

69 foizi oilada zo'ravonlik bilan tarbiya qilinayapti. 30 foizi esa bevosita jismoniy zo'ravonlikka uchrayapti.


2-sahifa



DUNYO TAN OLGAN
IJODKORLAR

Zulfiyaxonim HAQIDA

5s



(Boshlanishi 1-sahifada)

IJTIMOIY HIMOYANING YANGI TIZIMI INSON QADRINI TA'MINLASHGA XIZMAT QILADI



So'nggi oylarda kam ta'minlangan oilalar manzilli o'rganilgani hamda tizim shaffof qilingani natijasida doimiy daromadga ega oilalar bunday toifadan chiqarilgan. Aksincha, o'zgalar parvarishiga muhtoj, yolg'iz yashayotgan 2 ming kishiga yordam ko'rsatish yo'lga qo'yilgan.

Umuman, ijtimoiy himoya tizimi bilan 250 ta xizmat qamrab olingan bo'lsa-da, mahalladagi aholi ularning yarmini ham bilmaydi.

Shu bois, 1-iyundan ijtimoiy himoyaga muhtoj aholini aniqlash tartibi va ular bilan ishlash tizimi o'zgaradi. Bunda ehtiyojmand toifani aniqlash bo'yicha mezonlar ishlab chiqiladi va ularning aynan qanday yordamga muhtojligi aniq belgilab beriladi. Muhtojlarning har biri bo'yicha individual ijtimoiy xizmatlar dasturi bo'ladi.

Bu borada yaqin savolnoma joriy qilinadi. Xonadonga «mahalla yetiligi»ning qaysi vakili kirishidan qat'iy nazar, oiladagi muammo va imkoniyatlar aniqlanib, «ijtimoiy portreti» chiziladi. Yordamdan so'ng xonadonda nima o'zgarгани monitoring qilib boriladi. Bu yerda gap mablag'ni qisqartirish haqida emas, uni o'z egasiga – haqiqiy muhtojlarga berish va jamiyatga integratsiya qilish haqida ketmoqda. Yana bir muhim jihati, mahalladagi barcha ijtimoiy xizmatlarni bosqichma-bosqich ijtimoiy xizmat ko'rsatish

shartnomasi orqali taqdim etish yo'lga qo'yiladi. Bunda xizmat ko'rsatuvchi ham, yordam oluvchi ham o'ziga majburiyat oladi.

Endi nafaqa oluvchilar ro'yxatiga, birinchi navbatda, nogironligi bor, ota-onasi yo'q, boquvchisini yo'qotgan, kasalligi va boshqa sababga ko'ra uzoq muddat ishlay olmaydiganlarning oilalari kiritiladi. Boshqa fuqarolarni «ijtimoiy reyestr»ga kiritishda ularning faqat daromadi emas, balki xarajatlari ham baholanadi. Shu yil 1-oktyabrdan aholiga ko'rsatiladigan barcha ijtimoiy yordamlar «ijtimoiy karta» orqali moliyalashtiriladi. Kelgusi yildan 40 ta tumanda reabilitatsiya, sog'lomlashtirish va nogironligi borlarga qarovchilarni o'qitish bo'yicha ko'p tarmoqli ijtimoiy xizmatlar markazlari ishga tushiriladi.

Yig'ilishda nogironligi bo'lgan insonlar manfaatlariga alohida e'tibor qaratildi. O'zbekiston 2021-yilda Nogironligi bo'lgan shaxslar huquqlari to'g'risidagi konvensiyaga qo'shilgan. Bunday shaxslarni ishga olgan korxonalar va tashkilotlar uchun bir qator imtiyozlar berilgan. Lekin ko'p muassasalar, ko'chalar va bekatlar imkoniyati cheklangan shaxslar harakatlanishi uchun moslashmagan. Maktab va kollejlarda sharoit yo'qligi sababli ota-onalar nogironligi bor farzandini uzoqdagi maxsus internatga joylashtirishga majbur. Bu oila uchun, ayniqsa, bola

uchun juda og'ir.

Shu bois, endi nogironligi bo'lgan shaxslarni o'qitish, ishga joylash va sportga jalb qilish bo'yicha milliy tizim bo'ladi. Nogironligi bo'lgan shaxslarga ishlash va kasb-hunarga o'qishda to'siqsiz muhit yaratish uchun ularning «mehnatga layoqatini belgilash» amaliyotidan voz kechiladi. Bunda nogironlik kasallikka qarab emas, balki shaxsning mustaqil harakati, muloqot qobiliyati va ijtimoiy hayotdagi ishtirokiga qarab belgilanadi. Tuman markaziy shifoxonalarida tibbiy reabilitatsiya xonalari tashkil etiladi. Protez vositalari 18 turdan 30 turga, ajratilayotgan mablag' esa 1,5 barobar oshirilib, ular bilan ta'minlash elektron shaklda bo'ladi. Bunday vositalarni uydun turib, vaucher orqali onlayn yoki «Inson» markazi yordamida istalgan ishlab chiqaruvchidan olish mumkin bo'ladi.

Bino va inshootlarni qurish loyihasi nogironligi bo'lganlar uchun qulay muhit yaratilganligi bo'yicha ham majburiy ekspertizadan o'tkaziladi. Jamoat transporti, bekatlar va chorrahalarida ular uchun to'siqsiz muhit yaratish choralarini ko'riladi. Xodimlarining 50 foizida nogironlik bo'lgan tadbirkorlarga davlat buyurtmachilari bilan to'g'ridan to'g'ri shartnoma tuzish imkoniyati beriladi. Bunday shaxslarni kasbga tayyorlaydigan 4 ta ixtisoslashgan maktab sanoat tarmoqlariga birlashtiriladi. Nogironligi borlar kasanachilik

O'ZBEKISTON 2021-YILDA NOGIRONLIGI BO'LGAN SHAXSLAR HUQUQLARI TO'G'RISIDAGI KONVENSIYAGA QO'SHILGAN. BUNDAY SHAXSLARNI ISHGA OLGAN KORXONA VA TASHKILOTLAR UCHUN BIR QATOR IMTIYOZLAR BERILGAN. LEKIN KO'P MUASSASALAR, KO'CHALAR VA BEKATLAR IMKONIYATI CHEKLANGAN SHAXSLAR HARAKATLANISHI UCHUN MOSLASHMAGAN. MAKTAB VA KOLLEJLARDA SHAROIT YO'QLIGI SABABLI OTA-ONALAR NOGIRONLIGI BOR FARZANDINI UZOQDAGI MAXSUS INTERNATGA JOYLASHTIRISHGA MAJBUR.

va hunarmandchilik asosida yaratgan mahsulotlarni elektron platforma orqali sotish yo'lga qo'yiladi.

Sportni rivojlantirish assotsiatsiyasi tashkil etilib, nogironligi bor shaxslar mahalladan boshlab ommaviy sportga jalb qilinadi. Ijtimoiy himoyaga muhtoj insonlarda umid va o'ziga ishonch uyg'otadigan badiiy asarlar yaratiladi.

Ota-ona mehri muhtoj bolalarni tarbiyalash bo'yicha ham vazifalar belgilandi. Endi joylarda vasiylik va homiylik masalalari, ota-ona qaramog'idan mahrum bolalar bilan mahalladagi ijtimoiy xodimlar shug'ullanadi. Buning uchun hokimliklar huzuridagi Vasiylik va homiylik komissiyalari tugatilib, 1-avgustdan ularning vakolati «Inson» markazlariga o'tkaziladi. Yetim va nazoratsiz qolgan bolalarni qaramoqqa olish bo'yicha «ixtisoslashgan tutingan oila» tizimi joriy etiladi. Ixtisoslashgan 160 ta ta'lim muassasasida bosqichma-bosqich «g'amxo'rlik» guruhlari tashkil qilinadi. Ota-onasidan ayrilgan yigit-qizlarga ko'maklashish tizimi ham o'zgaradi. Endi «Yoshlarga hamrohlik» dasturi asosida ularni qo'llab-quvvatlash 23 yoshgacha etib belgilanadi. Ichki ishlar tizimidagi Voyaga yetmaganlarga ijtimoiy-huquqiy yordam ko'rsatish markazlari «Hayot maktabi» sifatida qayta tashkil qilinadi. Ular tarbiyasi og'ir bolalarni ijtimoiy hayotga

moslashtirish bo'yicha kompleks xizmat ko'rsatadigan maskanga aylantiriladi.

Yetim va ota-ona qaramog'isiz qolgan bolalarga uy-joy berish tizimi ham qayta ko'rib chiqiladi. Bunda «Inson» markazlari tomonidan haqiqatda uy-joyga muhtoj yoshlar ro'yxati shakllantiriladi. Ularga beriladigan uy-joyning narxi bozor bahosidan kelib chiqib, hududlar kesimida belgilanadi. Mutasaddirlarga hozirda navbatda turgan yetim bolalarni uy-joy bilan ta'minlash bo'yicha ko'rsatma berildi.

Zo'ravonlikka uchragan xotin-qizlar va bolalar reabilitatsiya bilan yetarlicha qamrab olinmagani qayd etildi. Shu bois, bu borada mahalla darajasida alohida tizim yaratiladi. Qiyin vaziyatdagi yosh onalarni qo'llab-quvvatlash, go'daklar yetim qolishining oldini olish uchun «Onalar maskani» xizmati tashkil etiladi. Shuningdek, tuman shifoxonalarida zo'ravonlikka uchraganlarga tibbiy va ruhiy yordam ko'rsatish uchun tunu kun ishlaydigan xonalar ochiladi. Yig'ilishda Bosh vazir, soha mutasaddilari va hokimlar ishini tashkil etish rejalarini yuzasidan axborot berdi.

– Jamiyatimizda ijtimoiy adolat va inson qadrini ta'minlaymiz desak, bu yangi tizimni joylarda samarali ishlatib, muhtoj insonlarga madad va umid bag'ishlashimiz kerak, – dedi Prezident.

O'ZA

✓ Fraksiyada

ENDI BOLA BOQQANI UCHUN



2021-yili O'zbekistonda bolalar bilan bog'liq 1800 ta jinoyat sodir etilgan. 2022-yilga kelib bu ko'rsatkich 20 foizga oshib, 2194 tani tashkil qilgan. Achinarlisi, bugun bolalarga nisbatan jinsiy zo'ravonlik kuchayayotgani aytilmoqda. 2021-yilda bu ko'rsatkich 334 tani tashkil etgan bo'lsa, 2022-yilda 400 ga yaqinlashdi. Bu esa bolalarga nisbatan sodir etilgan jami jinoyatlarning 18 foizini tashkil etyapti. YUNISEF va Statistika agentligi so'roviga ko'ra, O'zbekistonda 14 yoshgacha bo'lgan bolalarning 69 foizi oilada zo'ravonlik bilan tarbiya qilinayapti. 30 foizi esa bevosita jismoniy zo'ravonlikka uchrayapti.

Keyingi yillarda bolalar huquqini himoya qilish ustuvor vazifaga aylandi. Majburiy mehnatga butkul barham berilgach, bunday holatlarga nisbatan murosasiz munosabat shakllandi. Natijada O'zbekistonning Global bolalik reytingidagi o'rni 2017-yildagi 78-o'rindan 2021-yilda 62-o'ringa ko'tarildi.

Biroq globallashtayotgan dunyoda bu boradagi huquqiy hujjatlarni yanada takomillashtirish, qonuniy choralarini qat'iyashtirish ehtiyoji kun tartibidan tushmayapti. Ma'lumotlarga qaraganda, dunyo bo'yicha har yili 1 milliarddan ortiq bola turli zo'ravonliklarga duchor bo'lyapti va bu raqam yildan yilga oshib boryapti.

Tashvishlanarlisi, bola eng ko'p zo'ravonlikka uchraydigan joy uning o'z uyi bo'lib qolmoqda. Ma'lumot uchun: AQSHda bolaga nisbatan zo'ravonliklarning 76 foizi aynan oila a'zolari tomonidan sodir etilar ekan.

Tahlillar shuni ko'rsatmoqdaki, mamlakatimizda ham bu boradagi holatlar ijobiy emas. 2021-yili O'zbekistonda bolalar bilan bog'liq 1800 ta jinoyat sodir etilgan. 2022-yilga kelib bu ko'rsatkich 20 foizga oshib, 2194 tani tashkil qilgan. Achinarlisi, bugun bolalarga nisbatan jinsiy zo'ravonlik kuchayayotgani aytilmoqda. 2021-yilda bu ko'rsatkich 334 tani tashkil etgan bo'lsa, 2022-yilda 400 ga yaqinlashdi. Bu esa bolalarga nisbatan sodir etilgan jami jinoyatlarning 18 foizini tashkil etyapti.

YUNISEF va Statistika agentligi so'roviga

ko'ra, O'zbekistonda 14 yoshgacha bo'lgan bolalarning 69 foizi oilada zo'ravonlik bilan tarbiya qilinayapti. 30 foizi esa bevosita jismoniy zo'ravonlikka uchrayapti.

«Bola huquqlari to'g'risida»gi Konvensiyada har bir davlat bolalarni zo'ravonlik, ekspluatatsiya, tahqirlash va g'amxo'rlik ko'rsatmaslik kabi holatlardan himoya qilish uchun barcha choralarini ko'rishi belgilangan. Lekin bizda faqat jismoniy, jinsiy va ruhiy zo'ravonlik bilan kurashib kelinadi. Shu bois, xalqaro talab va huquqni qo'llashdagi muammolardan kelib chiqib, «Bolalarni zo'ravonlikning barcha shakllaridan himoya qilish to'g'risida»gi qonun loyihasi ishlab chiqildi. «Milliy tiklanish» demokratik partiyasi fraksiyasining navbatdagi yig'ilishida ushbu qonun loyihasi birinchi o'qishda muhokama qilinib, bir ovozdan qabul qilindi.

Deputatlarning fikricha, ushbu qonun bilan bolalar zo'ravonliklarining oltita turini aniq belgilash taklif qilinayapti. Bular jismoniy, jinsiy va ruhiy zo'ravonlik bilan birga g'amxo'rlik qilmaslik, ekspluatatsiya va hozir keng taraqqalayotgan bulling kiritilmoqda.

Bulling bu bir guruh bolalar yoki bir bolaning boshqa bolaga yoxud bolalarga nisbatan haqoratli laqablardan foydalanish, u bilan har qanday muloqotni cheklab qo'yish, uning mol-mulkini qo'lga kiritish va zarar yetkazish, sha'ni va qadrimatini kamsitish yoki sog'lig'i va hayotiga ziyon yetkazishda ifodalangan, shu jumladan,



ДИККАТ! ТАНЛОВ!

«MILLIY TIKLANISH» IJTIMOIY-SIYOSIY GAZETASI HUKORI SINIF UQUVCHILARIGA SABOQ BERAYTGAN UZBEK TILI VA ADABIYATI UQITUVCHILARI URTASIDA

«ЎЗБЕК ТИЛИ – МЕНИНГ ТИЛИМ»

МАВЗУСИДА ИНШОЛАР ТАНЛОВИНИ УТКАЗАДИ.

ҒОЛИБ

20

ШИМЛАМОН

сўм пул мукофоти билан тақдирланади.

ЮТУҚЛАР ҒОЛИБ ҲАМДА ОМАДЛИ УСТОЗЛАРГА

2024 йилнинг сентябрь ойида – Ўқитувчи ва мураббийлар байрами арафасида топширилади.

Мурожаат учун: (90) 245-18-10

ШУНИНГДЕК, ТАНЛОВДА 30 НАФАР КЎШИМЧА НОМИНАЦИЯЛАР БЎЙИЧА ҲАМ ҒОЛИБЛАР АНИҚЛАНДИ.

ҲИРГОЙИ

Ҳаммамиз қуёшда куйган жиззамиз, қачон тиз чўқувдик, ҳамон иззамиз, сиркираб оғриди шишган тиззамиз, ўридан озгина турсак майлиму?

Ўтганлар бари бек, қолган жавдирар, гардинда кўринмас ғуллар шалдирар, меҳнатдан ёрилган кўллар қалтирар, ўз беким ерида юрсак майлиму?

Насимлар гулламиш озод тоғларда, озодлик муждаси сўлу соғларда, боболар қийналиб тиккан боғларда ағанаб бир хаёл сурсак майлиму?

Неча минг аллома, жўмардлар ўлган, тафаккур сасиган, руҳлари сўлган, уруғлар айниган тап-тақир чўлда ўз беким давлатин қурсак майлиму?

Юз эллик йилдирки мана шу ҳолат, ҳануз давом этар маккор тижорат, билмадим, қаердан ушбу жаҳолат, нега сиз бўлмайсиз сира хижолат?..

Нега мен сўрайман сиздан ижозат?!

Жангда ўлган эмас бирор баҳодир, бари ҳалок бўлган хиёнатлардан, тошдай ухлаганда тўшларин очиб ё заҳар кўшилган зиёфатлардан.

Бирор асотирда баҳодирларни ҳаттоки юз бошли аждар емаган, минг бир синоатли ялмоғизлар ҳам тоғларни ўйнаган девлар енгмаган.

Бари ҳалок бўлган хиёнатлардан, бариға орқадан санчилган ханжар. Шундай бўлиб келган азал-у азал Мана шу жафоқаш, кўҳна Ватанда.

Ҳар гал баҳодирлар йиқилар экан куракка санчилган номард тигидан, қайта тирилгандай бўларди ногоҳ ҳар бир болакайнинг қорачиғида.

Ишонгил, ҳеч қачон сени алдамас софдил элатларнинг асотирлари, бирорта баҳодир ўлганмас жангда, кўрқоқлар ўлдирган баҳодирларни.

ХОНАДОН

Бунда ҳамма ўзини севар, тагин севар нозик гулларни... Чақмоқ кўзли болалар эмас. Ўстиришар фақат қуларни.

Бу шўрликлар хонадонида ғараз, фосиқ ниятлар тунар, ҳалок бўлар қанча даҳолар, муттаҳамлар, ўғрилар унар.

Ҳалиям кўз очмаган халқ-да, ҳали камдир имон, эътиқод, яшайдилар бир-бирин алдаб, бир-бирининг мотамидан шод.

Нафас олмай ўтаман ҳар гал, уф-ф, нақадар ўткир анқийди ириб кетган орзу-хаёллар, чириб ётган туйғулар ҳиди.

ОЙ СИНИҒИ

Ой синиғи тўла сувлоққа шаршарадай куйилар ёллар. Бу ёлларни силар меҳрибон шабадалар — маънос аёллар.

Кўк ёлларин сувга ботириб не замонки сув ичар отлар. Атрофдаги кўм-кўк адирлар ўтовларда ботирлар ётар...

Бироқ тунда ўт-майсаларга тўкиладир кимнинг ёшлари? Нега сувдан бечора отлар кўтаролмас оғир бошларин?

Нима бўлган уларга ахир ё сеҳрлаб кўйганми сувлоқ? Нега жимлик босган воҳада беғам ухлар ботирлар узок?

ТОНГ ОЧАР КЎЗЛАРИН...

Тонг очар кўзларин эриниб, севинчдан йиғлайди қиёқлар, чечаклар жилмаяр севиниб, шамолда чўмилар гиёҳлар. Ўйноқи шуълалар — болалар жимгина тарқалар сайхонга, ўргимчак тўқийди толалар, хонқизи боради меҳмонга. Курбақа варақлар баёзин, гулдан бол сўради ариллар, чигиртка қайрайди овозин, парвозда ниначи — парилар. Чумоли, меҳнаткаш чумоли, куйинма, атрофга бир қара — майсалар, оҳ, қандай ҳимоли, дунени қилма кўп масҳара.

«MILLIY TIKLANISH» DEMOKRATIK PARTIYASINING IJTIMOIY-SIYOSIY GAZETASI

JAMOATCHILIK KENGASHI:
Alisher QODIROV – kengash raisi

Akmal SAIDOV,
Abror PO‘LATOV,
Amriddin BERDIMURODOV,
Akmal JUMABOYEV,
Bahodir MAMATXONOV,
Ilhom ABDULLAYEV,
Ibrohim G‘OFUROV,
Iroda DADAJONOVA,
Minhojiddin MIRZO,
Nuriyman ABULXASAN,

Odiljon TOJIYEV,
Olim O‘SAROV,
Otabek JIYANBOYEV,
Ozodbek NAZARBEKOV,
Ortiqali QOZOQOV,
To‘liqin TESHABOYEV,
Feruza MUHAMMEDJANOVA,
Xurshid DO‘STMUHAMMAD,
Sherzodxon QUDRATXO‘JA,
Shuxratjon AXUNDJANOV.

Bosh muharrir:
Mirodil ABDURAHMONOV

TAHRIRIYAT
MANZILI:

Toshkent shahri,
Uchtepa tumani,
Maqsud Shayxzoda
ko‘chasi, 1 A-uy.
Gazeta tahririyat
kompyuter markazida
terildi va sahifalandi.

Mualliflar fikri
tahririyat nuqtai
nazaridan farq qilishi
mumkin.

Gazetada Internet
ma'lumotlari
va suratlaridan
foydalanildi.

Tahririyatga kelgan xatlar doimiy
e'tiborimizda bo'lib, ular mualliflariga
qaytarilmaydi.

NAVBATCHI MUHARRIRLAR:
Abdug‘affor OMONBOYEV,
Mahbuba KARIMOVA
NASHR UCHUN MAS‘UL:
Ma'murjon YO‘LDOSHEV
NAVBATCHI:
Feruza XODJAYEVA
DIZAYN GURUHI:
Asilbek QUDRATOV,
Firdavs HAMIDULLAYEV

Elektron pochta:
mtiklanish@bk.ru / mtiklanish@mail.ru

Gazeta «Sharq» nashriyoti-matbaa aksiyadorlik
kompaniyasida chop etildi.
Korxonada manzili: «Buyuk Turon» ko‘chasi, 41-uy

2008-yil 29-oktyabrda O‘zbekiston Matbuot va axborot agentligi
tomonidan № 0223 raqami bilan ro‘yxatdan o‘tgan.
Gazeta haftaning chorshanba kuni chiqadi.

Adadi – 5 036.
Gazetaning bahosi kelishilgan narxda.
Qog‘oz bichimi: 350x587. Hajmi: 4 bosma taboq
Buyurtma: G – 221
Bosishga topshirish vaqti 21:00.
Topshirildi 02:10

Telefon:
(97) 755-10-11

ISSN 2010-7714

123456